

Забидий / ВАҲИЙНИНГ БОШЛАНИШИ КИТОБИ / 928-ҳадис

928/1946 – عَنْ جَابِرِ بْنِ عَبْدِ اللَّهِ رَضِيَ اللَّهُ عَنْهُمَا قَالَ: كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ فِي سَفَرٍ، فَرَأَى زِحَامًا وَرَجُلًا قَدْ ظَلَّلَ عَلَيْهِ، فَقَالَ: «مَا هَذَا؟» فَقَالُوا: صَائِمٌ، فَقَالَ: «لَيْسَ مِنَ الْبِرِّ الصَّوْمُ فِي السَّفَرِ».

928.1946. Жобир ибн Абдуллоҳ розияллоҳу анҳумодан ривоят қилинади:

«Расулуллоҳ соллаллоҳу алайҳи васаллам бир сафарда эдилар. Тўпланиб турган одамларни ва устига соя қилиб турилган бир кишини кўрдилар. **«Бу нимаси?»** дедилар. Улар: «Рўзадор экан», дейишди. Шунда у зот: **«Сафарда рўза тутиш яхшиликдан эмас»**, дедилар».

* Расулуллоҳ соллаллоҳу алайҳи васаллам бу ерда мусофир ўзини қийнаб юриб, рўза тутиши яхшиликдан эмас, демоқчилар. Аммо қийналмаса, тутгани яхши. Чунки рўзанинг фарзлиги ҳақидаги оятда шу маъно таъкидланган. Набий соллаллоҳу алайҳи васаллам ўзлари ҳам гоҳида сафарда рўза тутганлар. Шу боис, жумҳур уламолар наздида, жумладан, тўрттала мазҳабда ҳам агар қийналмаса, мусофир киши Рамазон рўзасини тутгани афзал саналади.

Манба: hadis.islom.uz

